



Pou Piblikasyon Imedya: 09/02/2023

GOUVÈNÈ KATHY HOCHUL

GOUVÈNÈ HOCHUL ANONSE VERMONT REJWENN EFÒ PLIZYÈ ETA POU KREYE YON SANT IDWOJÈN PWÒP REJYONAL

Efò kolaboratif atravè Nòdès la enkli sèt eta ak plis pase 100 patnè ekosistèm idwojèn

Sant Idwojèn Pwòp Nòdès la pral avanse pou pi devan ak developman pwopozisyon konplè ak soumisyon pou konsiderasyon finansman atravè 8 milya dola Pwogram Sant Idwojèn Lwa sou Envestisman ak Travay nan Enfrastrikti Federal la

Sipòte objektif Lwa sou Lidèchip Klimatik ak Pwoteksyon Kominotè Eta a pou diminye emisyon gaz efè sè yo jiska 85 poustan disi 2050

Gouvènè Kathy Hochul te anonse jodi a ke Vermont te siyen yon akò milti eta a pou rejwenn New York, Connecticut, Maine, Massachusetts, New Jersey ak Rhode Island, pou elabore yon pwopozisyon pou vin youn nan jiska 10 sant reyonal pou idwojèn pwòp yo deziyen atravè pwogram Sant Reyonal pou Idwojèn Pwòp (Regional Clean Hydrogen Hubs) fedederal la ki enkli nan Lwa sou Envestisman ak Travay nan Enfrastrikti (Infrastructure Investment and Jobs Act) Bilateral la. Sant Idwojèn Pwòp Nòdès la (Northeast Clean Hydrogen Hub) ki gen sèt eta ak plis pase 100 patnè ekosistèm idwojèn pwòp ap avanse pou devlope ak soumèt yon pwopozisyon konplè bay Depatman Enèji (Department of Energy, DOE) Etazini AN pou fè konpetisyon pou finansman atravè pwogram 8 milya dola a. Anons jodi a fè avanse lidèchip chak Eta nan deplwaman enfrastrikti idwojèn pwòp ak angajman klimatik respektif pa yo. Espesyalman pou New York, travay sa a sipòte objektif Lwa sou Lidèchip Klimatik ak Pwoteksyon Kominotè (Climate Leadership and Community Protection Act, CLCPA) eta a pou diminye emisyon gaz ki lakoz efè sè a 85 poustan disi 2050.

"New York kontan akeyi Eta Vermont nan yon gwoup patnè divès ki pran angajman pou fè avanse yon ekonomi idwojèn pwòp ki konekte nan Nòdès la", **Gouvènè Hochul te deklare.** "Ajoute resous elementè sa a nan bwat zouti ekonomi enèji pwòp nou an pral avanse sou rediksyon emisyon kolektif nou yo ak objektif klimatik yo paske tankou efò konjwen nou an, lè a pa gen fwontyè."

Depi [anons](#) inisyal la an mas 2022 ak [mizajou](#) nan mwa out 2022, Sant Idwojèn Pwòp Nòdès la te kontinye ajoute patnè estratejik ki reprezante tout pati nan ekosistèm idwojèn pwòp la, ki gen ladan lidè endistri sektè prive a, ekspè enfrastrikti ak lojistik, òganizasyon san bi likratif yo, fabrikan teknoloji ak ekipman yo, devlopè pwojè idwojèn yo, lidè transpò yo, ajans sèvis publik ak ajans eta yo.

Anplis Vermont, nouvo patnè yo enkli:

1. AES
2. Alstom
3. American Bureau of Shipping (ABS)
4. Atlantic Shores Offshore Wind
5. Brown University
6. Carrier Global Corporation
7. Cianbro
8. ClearCell Power
9. Corning Incorporated
10. Dominion Energy
11. Electric Power Research Institute (EPRI)
12. Enbridge
13. Golu Hydrogen Technologies
14. Green Waste Energy, Inc
15. GKN Hydrogen
16. H2.Vision
17. Ideanomics
18. Iroquois Gas Transmissions System, LP
19. Ivys Energy Solutions
20. Lightfuel Hydrogen
21. LuftCar
22. Massachusetts Institute of Technology (MIT)
23. Mainspring Energy
24. Massachusetts Port Authority
25. Mitsubishi Power Americas, Inc.
26. New Jersey Resources
27. NextEra Energy Resources
28. Nikola
29. Nuvera Fuel Cells
30. Partnership for Rhode Island
31. Princeton University
32. Public Service Enterprise Group (PSEG)
33. Raytheon Technologies Research Center
34. Rhode Island Commerce Corporation
35. Rochester-Genesee Regional Transportation Authority
36. Rose Cay GP, LLC
37. Rose Cay Maritime, LLC
38. Rutgers University
39. Spotimyze Energy
40. SWITCH Maritime
41. Symbio North America
42. Universal Hydrogen Co.
43. University of Maine
44. University of Massachusetts Lowell
45. University of Rhode Island
46. Williams
47. WINDEA CTV

Anplis de sa, yo te nonmen Adam Zurofsky kòm Direktè Pwovizwa efò Sant Idwojèn Rejyonal Nòdès Eta New York la. Nan pozisyon sa a, Adam pral sipèvize pwoesisis pou soumèt yon aplikasyon final bay Depatman Enèji a, pou travay ak eta patnè yo ak lòt moun ki gen enterè yo pou maksimize enpak Sant lan ak kapasite li pou avanse priyorite pataje yo. Adam te deja sèvi kòm Sekretè Adjwen pou Enèji ak Finans pou Eta New York epi li te Direktè Egzekitif Fondatè Rewiring America, ki se yon òganizasyon san bi likratif ki dedye pou avanse estrateji dekabonizasyon ki benefik ekonomikman. Adam te anseye tou politik klimatik nan Columbia University's School of International and Public Affairs.

Patnè Sant Idwojèn Pwòp Nòdès yo te pran angajman pou kolabore avèk Otorite Rechèch ak Devlopman Enèji nan Eta New York (New York State Energy Research and Development Authority, NYSERDA), Otorite Enèji New York (New York Power Authority, NYPA), ak Empire State Development (ESD) sou elaborasyon pwopozisyon pou fè avanse pwojè idwojèn pwòp yo. Eta k ap fè patenarya yo pral kowòdone tou ak antite eta respektif yo pou ede fè alinye efò kolaboratif yo ak objektif klimatik ak enèji pwòp chak eta yo. Sa yo enkli objektif Lwa sou Solisyon pou Rechofman Global (Global Warming Solutions Act) Connecticut la pou redui emisyon gaz efè sè yo nan 80 pousan jiska 2050, objektif Massachusetts pou atenn emisyon kabòn nèt zewo disi 2050, objektif Lwa sou Repons ak Rechofman Global New Jersey a pou diminye emisyon gaz efè sè yo nan 80 pousan jiska 2050, objektif obligatwa Maine pou atenn netralite kabòn jiska 2045 epi redui emisyon gaz efè sè brit nan omwen 80 pousan jiska 2050, ak angajman Rhode Island pou atenn 100 pousan elektrisite renouvlab jiska 2033 ak Lwa sou Repons ak Rechofman Global Vermont lan pou redui emisyon gaz efè sè yo nan 80 pousan anba nivo 1990 yo jiska 2050.

Plan Kadraj Konsèy Aksyon Klima New York la, ki te apwouve an desanm 2022, te idantifye kabiran ki pa gen anpil kabòn tankou idwojèn pwòp kòm yon eleman enpòtan pou sipòte efikasite ak elektrifikasyon batiman rapid epi toupatou pou atenn objektif Lwa Klima a nan sektè ki difisil pou elektrifye, tankou transpò ak endistri lou.

Avèk egzekisyon akò sa yo, patnè yo pral yo pral rejwenn sila yo ki te anonse déjà pou defini davantaj yon vizyon pataje ak yon kad pou sant idwojèn pwòp reyjonal la pou asire yon ekosistèm idwojèn konekte atravè tout eta patnè yo ak rediksyon emisyon gaz efè sè ki kapab mezire. Pwopozisyon Hub la pral devlope ak jistis klimatik ak anviwònmantal ki santré sou estrateji li a pou bay opòtinite ak amelyore kalite lavi nan zòn ki pa jwenn ase sèvis yo atravè reydon an.

Gwooup la pral kontinye konsentre sou entegre ènèji renouvlab yo - tankou ewolyèn terès ak bò dlo, idwo-elektrisite ak solè fotovoltayik (PV) - ak enèji nikleyè nan pwodiksyon idwojèn pwòp epi evalyasyon idwojèn pou itilize nan transpò, tankou pou machin pwa mwayen ak pwa lou yo, endistri lou, pwodiksyon kouran elektrik ak aplikasyon maritim oswa lòt itilizasyon apwopriye ki koresponn avèk efò dekabonizasyon yo

Depatman Enèji (DOE) Etazini an te anonse gen yon premye Anons sou Opòtinite pou Finansman (Funding Opportunity Announcement, FOA) Sant Idwojèn Pwòp la nan mwa septanm 2022 ak dokiman konseptyèl yo ki bout 7 novanm 2022. Notifikasyon detèminasyon DOE pou Sant Idwojèn Pwòp Reyjonal Nòdès la ta dwe avanse ak elaborasyon pwopozisyon konplè yo te resevwa nan dat 27 desanm 2022, ak soumisyon yo ki bout anvan 7 avril 2023. Yo ka bay pwopozisyon jiska yon maksimòm 1.25 milya dola.

Pou plis enfòmasyon sou aktivite idwojèn nan Eta New York, tanpri vizite [sit entènèt](#) NYSERDA a.

Doreen M. Harris, Prezidan ak Direktè Egzekitif Jeneral, NYSERDA te deklare, "Rejwenn yon gwoup patnè ki deja solid, Vermont ak nouvo patnè estratejik ki soti nan inivèsite, endistri, sèvisiblik, sektè san bi likratif, ak lòt domèn, te ranfose davantaj ka Nòdès la pou seleksyone li kòm youn nan sant idwojèn pwòp nan nasyon an. Nivo angajman ak kolaborasyon pami gwoup sa a demonstre dimansyon ak echèl ki nesesè pou etabli ekosistèm ki nesesè pou endistri a grandi ak pou rejyon an vin yon lidè nan idwojèn pwòp."

Prezidan ak Direktè Egzekitif Jeneral Pwovizwa Otorite Enèji New York Ia, Justin E. Driscoll, te deklare, "Ekip patnè Sant Idwojèn Pwòp Nòdès la inik paske li rasanble yon gwoup kolaboratif, ki konsantre sou enèji renouvlab ki pare pou fè ekonomi enèji pwòp nou an avanse atravè inovasyon ak koperasyon. Otorite Enèji New York sipòte konpayi teknoloji idwojèn yo atravè alokasyon enèji nan pri ki ba epi li se prekisè nan rechèch ak devlopman idwojèn. Nou menm nan NYPA nou fyè dèské nou fè pati konsòsyòn sant Nòdès la epi nou pare pou ede devlope solisyon idwojèn prensipal nan peyi a ki pral gen avantaj dirab sou ekonomi nou an ak anviwònman nou an."

Prezidan, Direktè Egzekitif Jeneral ak Komisè Empire State Development Ia, Hope Knight, te deklare, "Pandan n ap travay pou atenn objektif klima ambisyé Gouvènè Hochul yo, Eta New York vin pi fò toujou lè li fè pati kowalisyon eta k ap grandi yo ak plis pase 100 patnè biblik prive ak akademik k ap mete tèt yo ansanm pou enèji pwòp. Ogmantasyon Vermont nan yon akò milti-eta pou pwopoze yon Sant Idwojèn Pwòp Nòdès ap kreye gwo momantòm ki pral finalman mennen nan djòb enèji pwòp ak yon avni ekonomik ki pi vèt pou Nouyòkè yo."

Gouvènè Connecticut Ia, Ned Lamont, te deklare, "Li bon pou vwazen nou yo nan nò Vermont rantre nan Sant Idwojèn Pwòp Nòdès la epi fè sa ki te deja yon kowalisyon solid ak kandida pou garanti deziyasyon kòm youn nan Sant Idwojèn Pwòp Rejyonal peyi a ki pi fò toujou. Gen anpil talan, entèlijans, ak espri inovan nan mitan biznis nou yo, enstitisyon rechèch, inivèsite, ekspè nan endistri yo, epi ajans eta yo nan nòdès la ki fè nou vin yon kandida konvenkan, epi mwen pa ka tann soumisyon pwopozisyon konplè nou an nan sezon prentan an."

Komisè Depatman Sèvisiblik Vermont Ia, June E. Tierney, te deklare, "Pou abòde chanjman klimatik, nou pral bezwen yon apwòch ki gen plizyè aspè ki konte sou inovasyon ak koperasyon. Nan Vermont, n ap travay pou fè pati pa nou epi pare pou kolabore ak lòt eta yo atravè rejyon nou an nan eksplorasyon pou ankouraje yon avni enèji pwòp."

Jane Cohen, ki se Direktè Egzekitif Biwo pou Aksyon Klimatik ak Ekonomi Vèt Phil Murphy ki se Gouvènè New Jersey a, te deklare, "New Jersey kontan anpil pou I wè ekosistèm ekonomi vèt Nòdès la ap kontinye agrandi gras ak ogmantasyoninivèsite ak gwo konpayi nou yo k ap mennen nan nasyon an k ap fè biznis nan eta nou an. Nou pa ka tann pou nou travay ansanm ak Vermont ran patnè rejyonal nou yo k ap grandi pandan n ap fè efò pou yon avni enèji pwòp pou tout moun."

Sekretè Afè Enèjetik ak Anviwònmantal Massachusetts Ia, Rebecca Tepper, te deklare, "Massachusetts akeyi Eta Vermont ak lòt nouvo patnè yo nan kowalisyon idwojèn pwòp nou an. Travay enpòtan pou diminye emisyon kabòn nou yo ak atenn objektif klimatik nou yo kapab reyalize sèlman si nou travay ansanm. Ansanm, nou pral devlope idwojèn pwòp epi bati opòtinite ekonomik atravè rejyon an. Nòdès la kontinye rete yon lidè nan abòde kriz klimatik la, epi patenarya sa a se jis yon lòt etap nan direksyon vizyon pataje nou sou yon avni enèji pwòp."

Plan Klimatik Nasyonal Eta New York

Ajanda klimatik Eta New York la k ap mennen nan nasyon an fè apèl ak yon tranzisyon ki kòrèk epi ki jis ki kreye travay ki soutni fanmi, ki kontinye ankouraje yon ekonomi vèt nan tout sektè epi asire ke omwen 35 pousan, avèk yon objektif 40 pousan, nan avantaj envestisman enèji pwòp yo ale nan kominote defavorize yo. Gide pa kèk nan inisyativ klimatik ak enèji pwòp ki pi agresif nan nasyon an, New York se sou yon chemen pou reyalize yon sektè elektrisite zewo emisyon disi 2040, ki gen ladan pwodisyon enèji renouvlab 70 pousan an 2030, ak netralite kabòn nan tout ekonomi an nan mitan syèk la. Yon poto mitan nan tranzisyon sa a se envestisman san presedan New York pou devlope enèji pwòp yo, ki enkli plis pase 35 milya dola nan 120 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 1.8 milya pou devlope enèji solè, plis pase 1 milya dola pou inisyativ transpò pwòp ak plis pase 1.8 milya dola nan angajman NY Green Bank yo.

Envestisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans 2,100 pousan nan sektè solè distribiye a depi 2011. Pou diminye emisyon gaz ki lakòz efè tèmik ak amelyore kalite lè a, New York te adopte tou règleman veyikil san emisyon, ki gen ladan egzije pou tout nouvo machin pasaje yo ak kamyon yo vann nan Eta a gen zewo emisyon disi 2035. Patenarya yo ap kontinye avanse aksyon klimatik New York la ak prèske 400 Kominote Entelijan pou Klima ki anrejistre ak 100 sètifye, prèske 500 Kominote Enèji Pwòp, ak pi gwo kominote inisyativ siveyans lè kominotè Eta a nan 10 kominote defavorize atravè eta a pou ede lite kont polisyon lè a ak konbat chanjman klimatik la.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)